

哈密志卷之四十四

學校志 一

夫哈密乃西域門戶地處要隘自古東西必爭之地原係用武經由之區於康熙雍正年間派兵戍守為羈縻之地未有專官其後於乾隆二十三年平定準部悉隸版圖移駐眷兵休養生息戶口繁多仍未設有學校迨後文武各員皆有專責視其兵民子弟誠恐賦性魯鈍苟不加

以教養焉可望其得人才哉於是公同籌募立規選求教授之師設立庠序課訓其子弟得歸正途始咸知禮義廉恥自此哈密相期久遠而垂不朽耳

營學

城內營學一處係哈密營中設立原為教訓兵家子弟每年束脩銀四十兩於道光年間減去銀十兩



鄉學

城外鄉學一處係哈密廳設立原為教訓民人子弟每年束脩銀兩按季在哈密廳支領